

# SIARAN AKHBAR

## **SEMUA CAWANGAN TH SELURUH NEGARA DIBUKA AHAD INI**

Pembukaan cawangan untuk bakal haji jawab surat terima tawaran tunai haji

**KUALA LUMPUR, 7 MEI 2022:** Semua 123 cawangan Lembaga Tabung Haji (**TH**) di seluruh negara akan beroperasi pada hari **Ahad, 8 Mei 2022**, bagi membolehkan bakal haji yang terpilih pada Musim Haji 1443H/2022M untuk menghantar surat terima tawaran haji, buku rekod rawatan setelah pemeriksaan kesihatan dibuat dan pasport antarabangsa ke mana-mana pejabat cawangan **TH** yang berhampiran.

Ini berikutan pengumuman **TH** untuk melanjutkan tarikh menjawab surat tawaran tunai haji kepada Isnin, 9 Mei 2022.

Pemangku Pengarah Eksekutif Operasi, Mohamed Ameen Abdul Wahab memaklumkan bahawa bakal haji boleh hadir ke mana-mana cawangan **TH** seluruh negara yang akan beroperasi daripada pukul 8.45 pagi hingga 4 petang. Ia bertujuan mengelakkan kesesakan di cawangan-cawangan **TH** dengan pendeposit untuk berurus sempena cuti hari raya yang panjang.

“Keputusan ini dibuat bagi memberi kemudahan dan untuk melancarkan urusan bakal jemaah haji walaupun hari Ahad merupakan hari cuti di kebanyakan negeri. Kami berharap bakal jemaah haji dan juga pendeposit dapat memanfaatkan peluang ini,” tambah Mohamed Ameen.

“Di samping itu, pendeposit juga boleh hadir untuk perkhidmatan simpanan dan pengeluaran serta penukaran status akaun kanak-kanak kepada akaun dewasa” kata beliau.

Bagi sebarang pertanyaan, sila hubungi Tabung Haji Contact Centre (THCC) di talian +603 - 6207 1919; Faks: +603 - 7728 4959 dan Emel: [th-info@lth.gov.my](mailto:th-info@lth.gov.my)

**Tamat**